

VENDIM
Nr. 17, datë 12.4.2017

PËR SHPËRNDARJEN E FINANCIMIT PËR PROJEKTE TË REJA, THIRRJA I, PËR VITIN 2017, TË GRANTIT “SHQIPËRIA DIXHITALE”, PROGRAMI “SHQIPËRIA DIXHITALE”, SHTYLLA II

Në mbështetje të nenit 100 të Kushtetutës, të nenit 16 dhe të aneksit 3, të ligjit nr.130 datë 15.12.2016, “Për buxhetin e vitit 2017”, me propozimin e ministrit të Shtetit për Inovacionin dhe Administratën Publike, Komiteti për Zhvillimin e Rajoneve

VENDOSI:

1. Shpërndarjen e financimit për projekte të reja, thirrja I, për vitin 2017, për grantin “Shqipëria dixhitale”, programi “Shqipëria dixhitale”, shtylla II, me burim financimi buxhetin e projekteve të reja për vitin 2017, nga programi buxhetor “Infrastruktura vendore dhe rajonale”, pranë Ministrisë së Zhvillimit Urban, sipas tabelës 1, bashkëlidhur këtij vendimi.

2. Të gjitha autoritetet kontraktuese, projektet e të cilave miratohen për financim sipas pikës 1, të këtij vendimi, brenda një jave nga data e publikimit të tij në “Fletoren zyrtare”, duhet të paraqesin në sekretariatit teknik, pranë ministrit të Shtetit për Inovacionin dhe Administratën Publike, kalendarin me të gjitha afatet e parashikuara për fazat e prokurimit publik të projektit, si dhe të përdorimit të fondeve dhe emrin e personit përgjegjës për informimin periodik.

3. Autoritetet kontraktuese për projektet, sipas pikës 1, të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e projektit, përpara fundit të tremujorit të dytë të vitit 2017, si dhe të dërgojnë informacion periodik mujor mbi ecurinë e projekteve, pranë sekretariatit teknik të ministrit të Shtetit për Inovacionin dhe Administratën Publike. Për fondet e projekteve të paprokuruar sipas këtij afati, Komiteti për Zhvillimin e Rajoneve ka të drejtë të rishqyrtojë financimin dhe t'i rishpërndajë ato për një projekt tjetër.

4. Ngarkohet sekretariati teknik, pranë ministrit të Shtetit për Inovacionin dhe Administratën Publike, të kryejë monitorimin e ecurisë së përdorimit të fondeve, sipas kalendarit të paraqitur nga autoritetet kontraktuese, në përputhje me pikën 2, të këtij vendimi dhe të informojë Ministrinë e Financave, Ministrinë e Zhvillimit Urban dhe periodikisht Komitetin për Zhvillimin e Rajoneve, përmes Sekretariatit të Përgjithshëm të Komitetit për Zhvillimin e Rajoneve.

5. Ngarkohen ministri i Financave, ministri i Zhvillimit Urban dhe ministri i Shtetit për Inovacionin dhe Administratën Publike për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDESKRYETARI
Niko Peleshi

Zëvendëskryeministri	Zëvendëskryetar;
Ministri i Financave	anëtar;
Ministri i Zhvillimit Ekonomik, Turizmit,	
Tregtisë dhe Sipërmarrjes	anëtar
Ministri i Zhvillimit Urban	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Bujqësisë, Zhvillimit Rural dhe	
Administrimit të Ujërave	anëtar;
Ministri i Shëndetësisë	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin	
dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës së Bashkive të Shqipërisë /	
Përfaqësuesi i Bordit të Agjencisë për Zhvillim Rajonal nr.1	anëtar;
Kryetari i Shoqatës për Autonomi Vendore /	
Përfaqësuesi i Bordit të Agjencisë për Zhvillim Rajonal nr.2	anëtar;
Përfaqësuesi i Bordit të Agjencisë për Zhvillim Rajonal nr.3	anëtar;
Përfaqësuesi i Bordit të Agjencisë për Zhvillim Rajonal nr.4	anëtar.

Tabela 1 Lista e projekteve të reja, thirrja e I, për vitin 2017, për grantin “Shqipëria dixhitale”, programi “Shqipëria dixhitale”, me cikël zbatimi 2017-2018.

N r	Autoriteti Kontraktues	Emërtimi i projektit	Vlera e plotë e projektit (në lekë)	Vlera e financimit në FZHR (në lekë)	Vlera e financimit për vitin 2017 (në lekë)
1	Bashkia Elbasan	Ndërtimi i infrastrukturës së telekomunikacionit për bashkinë Elbasan (fibër optike dhe Wi-Fi)	95,822,963	79,989,629	55,992,740
2	Bashkia Vlorë	Sistemi Multifunksional “Smart City” LUNGOMARE	70,560,000	64,247,040	64,247,040
3	Bashkia Malësi e Madhe	Sistemi Wi-Fi për qytetin, shkollat dhe qendra të populluara të njësive administrative	14,932,850	14,734,850	14,734,850
4	Bashkia Gjirokastrë	Ndërtimi i një modeli 3D i qytetit të Gjirokastrës-Virtual City	13,040,000	9,200,000	9,200,000
5	Bashkia Tiranë	Sistem i qendëruar për monitorimin e detyrimeve të prapambetura dhe përmirësimin e kontrollit	54,600,000	45,000,000	27,000,000
TOTALI			248,955,813	213,171,519	171,174,630

Shënim:

1. “Vlera e financimit në FZHR” përfaqëson kontributin financiar të FZHR-së në “vlerën e plotë të projektit”. Diferenca midis vlerës së plotë të projektit dhe vlerës së financimit nga FZHR-ja, është bashkëfinancim i projektit nga autoriteti kontraktues.

2. “Vlera e plotë e projektit” përfaqëson vlerën e zbatimit dhe mirëmbajtjes së projektit. Mirëmbajtja bashkëfinancohet nga vetë njësitë e qeverisjes vendore.

3. “Vlera e financimit për vitin 2017” është financimi që jepet për vitin 2017, me burim fondin për projekte të reja të programit buxhetor “Infrastruktura vendore dhe rajonale” të Ministrisë së Zhvillimit Urban, për vitin 2017.

4. Likuidimi financiar për vlerën e kërkuar për financim (ose për vlerën e zbatimit pas prokurimit publik) në vitet në vazhdim do të kryhet nga Ministria e Zhvillimit Urban, në bashkëpunim me ministrin e Shtetit për Inovacionin dhe Administratën Publike, duke u bazuar edhe në ecurinë e zbatimit dhe të realizimit të projekteve, programuar në buxhet me shtrirje në 2 vite. Vlera e kursyer nga lidhja e kontratës i zbritet financimit të vitit 2018. Sipas ecurisë së punimeve mund të avancohet financimi më shumë në vitin 2017, nga vlerat e kursyera të kontratave të grantit “Infrastrukturë vendore dhe rajonale”.

5. Projekti nr.5 i listës së mësipërme, duhet që para zhvillimit të procedurës së prokurimit, të marrë konfirmimin për termat e referencës së projektit nga AKSHI dhe ASIG. Ky projekt të shërbejë si model i unifikuar dhe standardizuar për t’u zbatuar edhe nga bashkitë e tjera të vendit.